

**Kalaallit Nunaanni aalisarnermi pisarineqartut isumalluutini atuinermut akitsuutaat
pillugit Inatsisartut inatsisaata allangortinneqarneranik Inatsisartut inatsisaat
Aningaasaqarnermut Nunamullu Namminermt Naalackersuisumit saqqummiunneqartoq**

pillugu

Aningaasaqarnermut Akileraartarnermullu Ataatsimiititaliap

siunnersuutip pingajussaaneernejarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq
Inatsisartunut ilaasortaq Erik Jensen, Siumut, siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Aqqalu Jeremiassen, Atassut
Inatsisartunut ilaasortaq Vivian Motzfeldt, Siumut
Inatsisartunut ilaasortaq Jens-Frederik Nielsen, Demokraatit

1. Siunnersuutip Inatsisartunit aappassaaneernejarnera

Ataatsimiititaliap aappassaaneerinninnissamut isumaliutissiissummini Naalackersuisunit akisassanik apeqquaqarpoq. Taamaattumillu siunnersuut una pingajussaaneernejarnerinninnermini ataatsimiititaliamit suliarineqaqqittussanngorluni innersuuteqqinneqarnissaa ataatsimiititaliamit kissaatigineqarpoq. Innersuusseqqinnissami siunertaavoq akissutit Naalackersuisunit aappassaaneerinninnissamut saqqummiunneqartut suliarineqarnissaat.

Taamatut innersuusseqqinnissaq aappassaaneerinninnermi tapersorsorluarneqarpoq.

2. Naalackersuisunut apeqquaqarqinniq

Naalackersuisunut apeqquaqarqinnissaq ataatsimiititaliamit pisariaqartinneqarsimavoq. Taakku ilanngussaq A-tut ilanngunneqarput. Naalackersuisut taakkununga akissutaat ilanngussaq B-tut ilanngunneqarput. Naalackersuisut taakkununga akissutaat ilanngussaq B-tut ilanngunneqarput. Akissutit taakku tunngavigalugit Aningaasaqarnermut Nunamullu Namminermt Naalackersuisup siunersiorneqarnissaa ataatsimiititaliamit pingaartinneqarpoq. Siunersiuinissamut aggeqqusissut ilanngussaq C-tut ilanngunneqarpoq aammalu siunersiuinermut allakkiaq ilanngussaq D-tut ilanngunneqarluni. Akinissamut sivikitsumik

periarfissaqartinneqarlutik Naalakkersuisut akissuteqarnerat ataatsimiititaliap aallarniutigalugu qujassutigaa. Siuliani allassimasut tunngavigalugit pingajussaaneerinninnissap kinguartinneqarnissaa ataatsimiititaliamit Inatsisartut Siulittaasoqarfiannut qinnutigineqarpoq.

3. Naalakkersuisut ataatsimiititaliap apeqqutaanut akissutaat

Akissutit inatsisissatut siunnersuutip matuma aappassaaneerneqarnissaanut Naalakkersuisunit saqqummiunneqartut kiisalu pingajussaaneerinninnissaq sioqqullugu apeqqutigineqartut matuma kinguliani ataatsimiititaliamit isummerfigineqarput.

3.1. Allaffissornerup annertussusia

Tunisinermi akiligassat allagartaasa amerlassusiat:

Uppernarsaasersuinissamik piumasagaammii inuussutissarsiummut tamarmut agguataarlugu tunisinermi akiligassat allagartaat ukiumut 250-it missaat pineqartut aappassaaneerinninnissamut Naalakkersuisut akissuteqaamminni paasissutissiisutigaat. Kisitsit taanna inuussutissarsiutip nunatta avammut tunisaanut pingaaruteqassusia eqqarsaatigigaanni appasittutut ataatsimiititaliamit isigineqarpoq. Ataatsimiititaliap kingorna apeqqutaanut akissutiminni Naalakkersuisut kisitsit taaneqartoq uppernarsarpaat. Takussutissiami kisitsit tunisinermi akiligassat allagartaannut 254-inut naatsorsorneqarsimavoq, tamannalu missingiutigeqqaakkat iluanniippoq (ilanngussaq B, akissut 1).

Kiisalu siunnersuinermermi ima paasissutissiisoqarpoq:

“Akiligassiisutit amerlassusaannik naliliinermi taamaallaat kilisaatinit uutiterisunit avammut tunisassianik tunisinermi akiligassiisutit pineqarnerat eqqaamaneqassaaq, taamaalillunilu nunamut tunisanit tunisassianilluunniit kiisalu aalisakkerivinnit avammut tunisat pineqarnatik.” (ilanngussaq D, akissut 1)

Naalakkersuisut allaffissornerunermermi naliliinerat:

Siunnersuutip allaffissornerussutaanerunissaata annertussusissaa, tassungalu ilanngullugu uppernarsaasersuinerup annertussusia pillugu Naalakkersuisut qanoq misilittagaqarnersut, itisilerneqassasoq Inatsisartut aappassaaneerinninnissaannut isumaliutissiisummi ataatsimiititaliap qinnutigaa. Aappassaaneerinninnissamut akissuteqaat tunngavigalugu naliliinertik una ataatsimiititaliap ilassutit isumaliutissiisummut matumunnga atugassaatut itisileqqullugu Naalakkersuisut ataatsimiititaliamit qinnuigineqarput:

”Naalakkersuisut naliliipput, suliffeqarfinnut oqartussanullu allaffissornerulerneq qaangerneqarluarsinnaasoq” (ilanngussaq A, apeqqut 2).

Akissut ataatsimiititaliamit qujassutigineqarpoq Naalakkersuisullu akissutaanni una maluginiarneqarluni:

”Ingerlatseqatigiiffiit tunisinermi akiligassiissutinik assiliillutillu scannernissaat taakkunangalu akitsuutinik nalunaaruteqarnermi ilanngussinissaat inatsisissatut siunnersuutip taamaallaat nassatarissavaa. Taamaalilluni suliassaq aalisartitseqatigiiffinnit ingerlanneqareersoq matumani pineqarpoq. Taamaalillunilu suliassaq ingerlatseqatigiiffinnut killilimmik allaffissornikkut kingunerisassaq pineqarpoq” (ilanngussaq B, akissut 2)

Naliliineq siuliani allassimasoq siunnersiunerme aamma itisilerneqarpoq. Ilanngussaq D ataatsimiititaliamit innersuussutigineqarpoq.

Allaffissornerup appartinneqarnissaanik Naalakkersuisut anguniagaat

Allaffissornerup appartinneqarnissaanik Naalakkersuisut anguniagaqarnerannut inatsisissatut siunnersuut una naapertuunnersoq ataatsimiititaliap ilassutitut isumaliutissiisummut matumunnga atugassatut Naalakkersuisunut apeqqutigineqarpoq (ilanngussaq A, apeqqut 3). Naalakkersuisut akissutiminni allapput pitsaaqutit ajoqutillu oqimaalutarneqarsimasut. Akissummillu uku ataatsimiititaliamit maluginiarneqarput:

”Illuatungaani Naalakkersuisut pisortat ingerlatsiviannik nutartererusupput allaffissornermillu annikillisaajumallutik. Illuatungaatigulli aamma aalisarneq nunatsinni inuussutissarsiutit pingaarnerpaartaraat. Ilaatigut tamanna tunngavigalugu aalisarneq akileraartarnikkut, aningaasaqarnikkut politikikkullu pingaarutilimmik inissisimavoq.” (ilanngussaq B, akissut 3).

Itisiliineq taanna Naalakkersuisunit isumaliutigineqartunut tapersiisoq ataatsimiititaliamit tiguneqarmat uppersarnerneqarpoq.


3.2. Paasissutissanik toqqortarinninneq avitseqateqarnerlu

Naalakkersuisut aappassaaneerinninnissamut akissuteqaatikkut akissutaat sukumiisoq ataatsimiititaliamit qujassutigineqarpoq akissuteqaallu annertunerusumik oqaaseqaatissaqarfigineqanngilaq.

4. Ataatsimiititaliap inassuteqaatai

Siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.




Jens Napaattooq
Siulittaasoq



Erik Jensen
Siulittaasup tullia



Agathe Fontain



Vivian Motzfeldt



Hans Aronsen

Jens-Frederik Nielsen



Aqqalu Jeremiassen



INATSISARTUT

Ilanngussaq Bilag A

Aningaasaqarnermut Nunamullu Namminermt
Naalakkersuisoq
/MAANI

Ulloq: 25-10-2021

J.nr.:01.31.03-00042

UKA2021/20 pillugu Aningaasaqarnermut Akileraartarnermullu Ataatsimiititaliap Naalakkersuisunut apeqqutai

Ataatsimiititaliap apeqqutaasa uku Naalakkersuisunit akineqarnissaat UKA2021/20 pillugu ilassutitut isumaliutissiissutiminut atugassatut ataatsimiititaliap pisariaqartippaa:

1. Isumalluutinik atuinermut akiitsuummut tunngavik pillugu uppersaasersuinissamik piumasaqaatip annertussusia akissuteqaammini Aningaasaqarnermut Nunamullu Namminermt Naalakkersuisup nassuiaatigaa. Tamatumani tunisinermt akiligassat ukiumut 250-iusutut nalunaarneqarput. Kisitsit taanna inuussutissarsiutip nunatta avammut tunisaanut pingaaruteqassusia eqqarsaatigigaanni appasittutut ataatsimiititaliamit isigineqarpoq. Akissut taanna Naalakkersuisunit aalajangiusimaneqarpa?
2. Inatsisissatut siunnersuutip inuussutissarsiortut allaffissornerannut qanoq annertutigisumik kinguneqarnissaa Naalakkersuisut tusarniaaffigineqartullu akornanni isumaqatigiinngissutigineqartoq ataatsimiititaliamit paasisorineqarpoq. Aningaasaqarnermt Nunamullu Namminermt Naalakkersuisoq akissuteqaammini ima allappoq:
*"Naalakkersuisut naliliipput, suliffeqarfinnut oqartussanullu allaffissornerulemeq qaangemeqarluarsinnaasoq"*¹
Taamatut naliliinermt Naalakkersuisut tunngavilersuutaat itisilerneqassasoq ataatsimiititaliamit kissaatigineqarpoq.
3. Pisortat allaffissornerata annikillisarneqarnissaa Naalakkersuisut anguniagaraat, Naalakkersuisulli allaffissornerat siunnersuut una aqutigalugu annertuseriartinneqarpoq. Naalakkersuisut sooq taama iliorusuppat


Siuliani apeqqutitut allakkatigut akissut (kalaallisut danskisullu) sapinngisamik piaartumik tiguneqassasoq ataatsimiititaliamit qinnutigineqarpoq. Akissutit UKA2021/20 pillugu ataatsimiititaliap ilassutitut isumaliutissiissutaanut ilanngunneqassammata ataatsimiititaliamit eqqumaffigeqquneqassaaq.

¹ Siunnersuutip aappassaaneerreqarneranut akiussuteqaammi qupperneq 1

Akissut ataatsimiititaliap allattaaanut (nickla@ina.ala.gl) aamma Inatsisartunut (inatsisartut@inatsisartut.gl) qarasaasiakkut nassiateqquneqarpoq.

Qujareerlunga,

Aningaasaqarnermut Akileraartarnermullu Ataatsimiititaliaq sinnerlugu
Inussiarnersumik inuulluaqqusillunga



Jens Napaattooq
Ataatsimiititaliap siulittaasua



**Aningaasaqarnermut Akileraartarnermullu Ataatsimiititaliaq
/-Maani**

**Ilanngussaq
Bilag B**

UKA 2021/20-mut akissut pillugu

Manna Aningaasaqarnermut Akileraartarnermullu Ataatsimiititaliaq ataatsimiinnermi immikkoortoq siuliani taaneqartoq pillugu apeqqutaanut akissut nassiunneqarpoq.

Tulliuttuni apeqqutit ataasiakkaarlugit allanneqarput akineqarlutillu.

1. Isumalluutiniq atuinermut akiitsuummut tunngavik pillugu uppersaasersuinissamik piumasaqaatip annertussusia akissuteqaammini Aningaasaqarnermut Nunamullu Namminermt Naalakkersuisup nassuiaatigaa. Tamatumani tunisinermt akiligassat ukiumut 250-iusutut nalunaarneqarput. Kisitsit taanna inuussutissarsiutip nunatta avammut tunisaanut pingaaruteqassusia eqqarsaatigigaanni appasittutut ataatsimiititaliamit isigineqarpoq. Akissut taanna Naalakkersuisunit aalajangiusimaneqarpa?

Akissut 1)

Naalakkersuisut akissut taanna aalajangiusimavaat. Ukiukkaartumik akiligassiisutit amerlassusaat aalisartitseqatigiiffiit nammineerlutik Aningaasaqarnermut Nunamullu Namminermt Naalakkersuisoqarfimmumut paasissutissiissutaat naapertorlugit missingiinerupput.

Tulliuttumi missingersuinermut takussutissiivik ivertinneqarpoq.

Brevdato: 27-10-2021
Sags nr.
Akt id. 18312480
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aalisarnermi pisuussutinit iluanaarutinit akileraarutiniq nalunaaruteqarnermut atatillugu akiligassiisutit tunniunneqartussat amerlassusaannut missingiut	
	Akiligassiisutit amerlassusissaannut missingiut
Royal Greenland (Ice Trawl Greenland Qaleralik ilanng.) mailikkut 15.10.2021-mi paasissutissiissutigineqartoq.	100
Polar Seafood (Qajaq Trawl aamma Sigguk ilanng.) mailikkut 13.10.2021-mi paasissutissiissutigineqartoq.	60
Arctic Prime Fisheries mailikkut 26.10.2021-mi paasissutissiissutigineqartoq.	70
Niisa Trawl aamma Sikuaq Trawl	24

Ingerlatseqatigiiffiit Akileraartarnermut Aqutsisoqarfimmit aperineqarput. 12.10.2021-mi mailikkut amerlassutsit nalunaarutigineqarput.	
Katillugit	254

2. Inatsisissatut siunnersuutip inuussutissarsiortut allaffissornerannut qanoq annertutigisumik kinguneqarnissaa Naalakkersuisut tusarniaaffigineqartullu akornanni isumaqatigiinngissutigineqartoq ataatsimiititaliamit paasisorineqarpoq. Aningaasaqarnermut Nunamullu Namminermut Naalakkersuisoq akissuteqaammini ima allappoq: *"Naalakkersuisut naliiipput, suliffeqarfinnut oqartussanullu allaffissornerulerneq qaangerneqarluarsinnaasoq"*¹ Taamatut naliliinermut Naalakkersuisut tunngavilersuutaat itisilerneqassasoq ataatsimiititaliamit kissaatigineqarpoq.

Akissut 2)

Ilaatigut naatsorsueqqissaarnerit pissutigalugit aalisartitseqatigiiffiit nioqqutissianut avammut tunisinermi akiligassiissutillioortarput. Akiligassiissutit akileraarusiisarnermut, akitsuusiisarnermut aamma eqqussuinermit akitsuusiisarnermut atatillugu pappiaqqatut pingaaruteqarput. Taamaalilluni suliassat aalisartitseqatigiiffinnit ingerlanneqareersut matumani pineqarput. Ingerlatseqatigiiffiit tunisinermi akiligassiissutinik assiliillutillu scanner-nissaat taakkunanngalu akitsuutinik nalunaaruteqarnermi ilanngussinissaat inatsisissatut siunnersuutip taamaallaat nassatarissavaa. Taamaalilluni suliassaq aalisartitseqatigiiffinnit ingerlanneqareersoq matumani pineqarpoq. Taamaalillunilu suliassaq ingerlatseqatigiiffinnut killilimmik allaffissornermut kingunerisassaq pineqarpoq.

3. Pisortat allaffissornerata annikillisarneqarnissaa Naalakkersuisut anguniagaraat, Naalakkersuisulli allaffissornerat siunnersuut una aqputigalugu annertuseriartinneqarpoq. Naalakkersuisut sooq taama iliorusuppat?

Akissut 3)

Isumagisassat assigiinngitsut innimittarnissaat pineqarpoq. Illuatungaani Naalakkersuisut pisortat ingerlatsiviannik nutartererusupput allaffissornermillu annikillisaajumallutik. Illuatungaatigulli aamma aalisarneq nunatsinni inuussutissarsiutit pingaarnerpaartaraat. Ilaatigut tamanna tunngavigalugu aalisarneq akileraartarnikkut, aningaasaqarnikkut politikikkullu pingaarutilimmik inissisimavoq. Taamaammat ukiut ingerlaneranni inuussutissarsiummut tassanilu atugassarititanik misissueqqissaarnerit il.il. arfallit ingerlanneqartarput. Misissueqqissaarnerit taamaattut Inatsisartuni arlaleriarluni ujartorneqartareerput. Arlaleriarlunilu inuussutissarsiortunit paasisutissanik attuumassuteqartussarsiorneq ajornakusoortarpoq. Tamanna Naalakkersuisuusimasut "Aningaasat ingerlaarnerannik misissueqqissaarnissamik" aalajangerneranni atugassatut Aningaasaqarnermut Nunamullu Namminermut Tunngassutilinnut Naalakkersuisoqarfiup avataanit siunnersortimik peqateqarluni paasisutissanik qinnuiginninnerani ilaatigut pivoq. Aalisarnermik inuussutissarsiortunik misissueqqissarneq taanna allallu Inatsisartut Naalakkersuisullu inuussutissarsiortunut tunngavinnik ineriartortitseqataanissaannut pingaaruteqarput, taamaalillutillu aalisarnermik inuussutissarsiortnermi naleqalersitsinermut ilapittuillutillu

¹ Siunnersuutip aappassaaneerqarneranut akiussuteqaammi qupperneq 1

suliffissaqartitsinikkut kiisalu akileraarutinit akitsuutinillu iluanaarutitigut Kalaallit Nunaannut pitsaanerpaamik iluaqutsiisinnaallutik.

Naggasiullugu Aalisarnermut Isumalioqatigiissitap isumaqatigiittup aalisarnermi immikkoortumi paasissutissanik attuumassuteqartunik katersinissamik pisariaqartitsineq taavaa, taamaaliornikkut ilaatigut ersarinnerulersitsinissaq pitsaanerumillu aalajangiisarnissani tunngavissaqarnissaq pilersikkumallugu. Tamanna suliffeqarfinnut pisortanullu allaffissornikkut suliassiineq sapinngisamik annikinnerpaamiitikkumallugu qarasaasiakkoortumik pisarnissaa Isumalioqatigiissitap ilanngullugu kaammattuutigaa. Inatsisissatut siunnersuut tamatuminnga pisinnaanngortitsisumik oqaasertaliorneqarpoq.

Neriuppunga ataatsimiititaliap akissutit naammagigai.

Inussiarnersumik inuulluaqqusillunga

Med venlig hilsen


Aasi Chemnitz Narup



Aningaasaqarnermut Nunamullu Namminermut
Naalakkersuisoq
E-mailadresse

Ulloq: 29-10-2021

J.nr.: 01.31.04-00018

Aningaasaqarnermut Akileraartarnermullu Ataatsimiititaliamit tallimangornermi ulloq 29. oktober 2021, ataatsimiittarfik Erling Høeghimi ulloq taanna siunersiuinermit nangissutitut siunersiorneqarnissamut aggeqqusissut (ataatsimiititaliap suliaa nr. 01.31.04-00018)

Aningaasaqarnermut Nunamullu Namminermut Naalakkersuisoq siunersiuinissamut Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Siunersiuinermi makku oqaluuserineqarnissaat ataatsimiititaliamit kissaatigineqarpoq:


1. Naalakkersuisut ulloq 27. oktober akissuteqarput. Tunisanit akiligassiissutit allagartaat ukiumut 254-inik amerlassuseqartut Aningaasaqarnermut Nunamullu Namminermut Naalakkersuisup akissummi paasissutissiissutigaa. Tamatumunnga tunngaviupput inuussutissarsiortunit paasissutissiissutit. Kisitsit taanna appasittutut ataatsimiititaliamit isigineqarpoq kissaatigineqarporlu kisitsisit qanoq pissarsiarineqarsimanerat paasissutissiissutigineqassasoq.
2. Naalakkersuisut akissuteqarnermini ataatsimiititaliap apeqqutaanut naatsumik akissuteqarput, ilaatigullu akissuteqaatitut allakkiami issugaq una ilaavoq, taassumalu itisilerneqarnissaa ataatsimiititaliamit kissaatigineqarsimalluni:
"Naalakkersuisut nalliipput, suliffeqarfinnut oqartussanullu allaffissornerulerneq qaangerneqarluarsinnaasoq"
Tamanna tunngavigalugu akissutip itisileqqinneqarnissaa ataatsimiititaliamit kissaatigineqarpoq, tassungalu naliliineq siuliani allassimasoq ilannguteqquneqarpoq.

Siunersiuinermi malitseqartitsissutinik apeqquteqartarnissaq ataatsimiititaliamit naatsorsuutigineqarpoq.

Siunersiuinerup ataatsimiititaliap aammalu Aningaasaqarnermut Nunamullu Namminermut Naalakkersuisup akornanni pingaarnersiulluni tulleriarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquiti siuliani allassimasut pillugit allakkiamik kalaallisut danskisullu siunersiuinermut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap siunersiuinerup kinguninngua uunga nassiuinneqarnissaa qinnutigineqarpoq: nickla@ina.ala.gl. Allakkiaq ataatsimiititaliap siunersiuinermut nassarneqarpat atorneqarpallu taassuma nuutinnera siunersiuinerup aallartinnerani ataatsimiititaliap oqalutnaanun tunniuteqquneqarpoq.

Inussarnersumik inuulluaqqusillunga



Jens Napaattoq

Aningaasaqarnermut Akileraartarnermullu Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq

Ilanngussaq Bilag D

Ilassutitut isumasioqatigiinneq

Ataatsimiititaliaq ukuningga apeqquteqarpoq:

1. Naalakkersuisut ulloq 27. oktober akissuteqarput. Tunisanit akiligassiissutit allagartaat ukiumut 254-inik amerlassuseqartut Aningaasaqarnermut Nunamullu Namminermut Naalakkersuisup akissummi paasissutissiissutigaa. Tamatumunnga tunggaviupput inuussutissarsiortunit paasissutissiissutit. Kisitsit taanna appasittutut ataatsimiititaliamit isigineqarpoq kissaatigineqarporlu kisitsisit qanoq pissarsiarineqarsimanerat paasissutissiissutigineqassasoq.

Brevdato: 29-10-2021
Sags nr. 2020 - 20789
Akt id. 18352321

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut: Akiligassiissutit amerlassusaannik naliliinermi taamaallaat kilisaatinit uutiterisunit avammut tunisassianik tunisinermi akiligassiissutit pineqarnerat eqqaamaneqassaaq, taamaalillunilu nunamut tunisanit tunisassianilluunniit kiisalu aalisakkerivinnit avammut tunisat pineqarnatik.

Naatsorsuusiata paasissutissanit aalisartitseqatigiiffinit toqqaannartumik pissarsianik tunggaveqarput. Kisitsisit 12. – 15. oktober 2021-mi pissarsiarineqarput. Polar Seafoodimit Royal Greenlandimillu mailit pissarsiat kiisalu Niisa Trawl Sikuaq Trawlilu pillugit telefonimut allakkiat ilannguppakka. Mailini taakkunani paasissutissat ataatsimiititaliap siusinnerusukktu pissarsiarisai uppersarnerqarput. Inuussutissarsiortut paasissutissat nassiusaasa eqqortuunerat Naalakkersuisut soorunami tatigaa.

Paatsuungasoqaqunagu erseqqissarneqassaaq mailit taakku avammut saqqummiunneqartussatut pissarsiarineqannginnerat, taamaallaalli allaffissornermi atugassatut pissarsiarineqarnerat erseqqissaatigineqassaaq. Taamaammat nassitsisunut inussiarnissaarnissaq pillugu ataatsimiititaliap isumaliutissiissusiornermi ilaatut taakkunanga tamanut saqqummiussinnginnissaa eqqarsaatigaara, tamannali soorunami ataatsimiititaliap nammineq aalajangigassaraa.

1. Naalakkersuisut akissuteqarnerminni ataatsimiititaliap apeqqutaanut naatsumik akissuteqarput, ilaatigullu akissuteqaatitut allakkiami issuagaq una ilaavoq, taassumalu itisilernerneqarnissaa ataatsimiititaliamit kissaatigineqarsimalluni:

"Naalakkersuisut naliliipput, suliffeqarfinnut oqartussanullu allaffissornerulerneq qaangerneqarluarsinnaasoq"

Tamanna tunngavigalugu akissutip itisileqqinneqarnissaa ataatsimiitaliamit kissaatigineqarpoq, tassungalu nallilineq siuliani allassimasoq ilannguteqquneqarpoq.

Akissut: Akileraartarnermut Aqutsisoqarfik paasissutissat siusinnerusukkut pissarsiarineqartut itisilersinnaanera i ullumi oqarasuaatikku apeqquteqarfigineqarpoq. Aalisartitseqatigiiffiit aalisakkanut akitsuutit naatsorsornerinut atugassatut avammut tunineqartut nalingi annertussusaalu pillugit paasissutissat qaammatit pingasukkaat (kvartalit) qaangiunneri tamaasa qaammatip tulliani nalunaarutigisara i Aqutsisoqarfiup paasissutissiissutigaa. Ullumikkut aalisartitseqatigiiffiit amerlanerit akiligassiissutip assilineranik nalunaarsuiffimmilu akitsuutip naatsorsorneqarfianik nassitsisareerput. Aqutsisoqarfiup akiligassiissutit assilineri akitsuutip naatsorsorneranik nakkutilliissutitut atortarpari. Ullumikkut ingerlatseqatigiiffiit tamarmik paasissutissanik taakkuninnga qarasaasiakku nalunaarsuisarput.

Taamaalilluni Aqutsisoqarfiup suliakkersuutaanerusoq suli annikitsuararsuartut isigaa, ingerlatitseqatigiiffimmi tunisinermi akiligassiissutinik tigummiaqareerput, taakkulu nalunaarutissaminnik suliaqarnerminni atortareerlugit.

Inussiarnersumik inuulluaqqusillunga

Aii Chemnitz Narup